



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Sumáriu Kazu
Tribunál Distritál Oekusi
Períodu Jullu 2018

Afirmasaun: Sumáriu Kazu tuirmai ne'e deskreve faktu sira no prosesu iha tribunál tuir JSMP nia monitorizasaun independente, no deklarasaun ne'ebé parte sira fó iha tribunál nia laran. Informasaun ne'e la reprezenta JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru feto no ema vulneravel. JSMP afirma la iha justifikasaun ba violénsia hasoru feto.

A. Sumáriu prosesu julgamentu kazu iha Tribunál Distritál Oekusi

1. Totál kazu ne'ebé JSMP monitoriza: 32

Tipu kazu	Tipu kazu	Númeru
Artigu 145 Kódigu Penál (KP) & artigu 2, 3, no 35 letra (b) Lei Kontra Violénsia Doméstika (LKVD)	Ofensa ba integridade física simples ho natureza violénsia doméstika no tipu ilísitu sira kona-ba violénsia doméstika	13
Artigu 145 (KP)	Ofensa ba integridade física simples	6
Artigu 316 (KP)	Kontrabandu	3
Artigu 225 (KP)	La halotuir obrigasaun alimentár	3
Artigu 177 no artigu 182 (KP)	Abuzu seksuál ba menór agravadu	1
Artigu 172 (KP) & artigu 23 (KP)	Tentativa violasaun seksuál	1
Artigu 257 (KP)	Abuzu konfiansa agravadu	1
Artigu 295 (KP)	Pekulatu	1
Artigu 252 (KP)	Furtu agravadu	1
Artigu 151 (KP)	Ofensa korporál resíproka	1
Artigu 258 (KP)	Danu simples	1

Rua setubal, Colmera, Dili Timor Leste
PoBox: 275

Telefone: 3323883

www.jsmp.tl

info@jsmp.minihub.org

Facebook: www.facebook.com/timorleste.jsmp

Twitter: @JSMPtl

Totál	32	32
--------------	----	----

2. Totál desizaun ne'ebé JSMP monitoriza : 32

Tipu desizaun	Númeru
Suspensaun ba pena prizaun nia ezekusaun - Artigu 68 Kódigu Penál	18
Omologa dezisténsia keixa	9
Pena admoestasaun	3
Pena multa tuir artigu 67 Kódigu Penál	2
Totál	32

B. Deskripsaun sumáriu julgamentu ba desizaun kazu sira

1. Krime abuzu konfiansa agravadu

Nú. Prosesu	: 0023/16. PDOEC
Kompozisaun Tribunál	: Kolektivu
Juis	: Dr. João Ribeiro : Dr. Sribuana da Costa : Dr. Eusebio Victor Xavier
Prokuradór	: Dr. Mateus Nesi
Defeza	: Dr. Marcelino Marques Coro : Dr. Inasio Quebo no Dr. Filipe Landos
Tipu pena	: Pena prizaun tinan 1 fulan 6 no suspende ba tinan 2

Iha 04 Julu 2018, Tribunál Distritál Oekusi prezide julgamentu leitura akordaun ba krime abuzu konfiansa agravadu ne'ebé envolve arguidu Jose Tasae hasoru ONG OXFAM Australia, iha Suku Costa, Sub-distritu Pante-makassar Distritu Oekusi.

Akuzasaun Prokuradór

Prokuradór akuza katak iha 15 Feveireiru 2016, arguidu nu'udar Diretór ba ONG ALEBAO halo asinatura kontratu ho ONG Oxfam Australia hodi fó apoiu orsamentu ba programa rua ne'ebé mak arguidu hato'o ba Oxfam. Hafoin Oxfam Australia halo transferensia ba ONG ALEBAO nia konta bankaria iha banku BNCTL ho número transferensia 104-02546-7 ho totál osan hamutuk US\$15,399.92. Depoisde simu tiha osan ne'e arguidu la hala'o programa ne'ebé mak define ona iha akordu laran ho Oxfam, maibé arguidu uza fali osan hirak ne'e hodi apoiu kompañia privadu ne'ebé arguidu hari'i. Mesmu nune'e, arguidu devolve ona orsamentu ne'e sorin balun ho valor US\$4,622.75 no falta US\$4,619.92 ho laptop 1 no dokumentu motor nian 1. Arguidu nia hahalok ne'e hamosu prejuizu ba ONG Oxfam Australia ho totál osan hamutuk US\$4,619.92 no laptop 1.

Prokuradór akuza arguidu kontra artigu 257 Kódigu Penál kona-ba krime abuzu konfiansa agravadu ho moldura penál tinan 2 to' o tinan 8 prizaun.

Produsaun ba prova sira

Iha julgamentu, arguidu konfesa faktus hotu iha akuzasaun, arguidu deklarata katak arrepende ona nia hahalok. Arguidu mós promete ba tribunál katak presija tempu tinan 1 atu bele devolve fali osan hamutuk US\$4,619.92 ho laptop 1 maibé karik aban bairua mak arguidu hetan ona osan sei entrega kedas ba Oxfam. Arguidu foin primeiravés mai hatan iha tribunál, arguidu laiha rendimentu kada fulan, arguidu arguidu iha oan nain 5 no ONG ne'e taka ona.

Prokuradór husu ba Tribunál atu presinde lezadu no testemuña nia deklarasaun, tanba arguidu konfesa faktus hotu iha akuzasaun.

Alegasaun finál

Prokuradór konsidera arguidu provadu komete krime abuzu konfiansa agravadu hasoru ONG Oxfam bazeia ba konfiansaun arguidu nian. Prokuradór reforsa tan katak arguidu nia hahalok ne'e hamosu prejuizu ba Oxfam no difikulta programa ne'ebé konkorda hamutuk ona. Tanba ne'e husu ba tribunál atu kondena arguidu tuir artigu 257 Kódigu Penál.

Iha parte seluk defeza husu ba tribunál atu kondena arguidu ho pena ne'ebé adekuadu ho konsiderasaun sira katak, arguidu konfesa, arrepende ona nia hahalok, foin primeiravés mai hatan iha tribunál. Arguidu mós promete sei devolve fali osan restu iha tempu tinan 1, maibe se antes periodu ida-ne'e mak arguidu hetan ona osan sei entrega kedas ba Oxfam.

Desizaun

Depoizide avalia faktus sira hotu, tribunál prova katak arguidu komete duni krime tuir faktu sira iha akuzasaun prokuradór nian no konsidera sirkunstánsia hotu-hotu hosi kazu ne'e, tribunál konklui prosesu ne'e no kondena arguidu ho pena prizaun tinan 1 fulan 6 no suspende ba tinan 2 no selu kustu judisiál US\$50.00. Aleinde ne'e tribunál mós husu ba arguidu atu entrega fali dokumentu motor nian iha loron 5 nia laran no osan hamutuk US\$4,619.92 no entrega fali laptop 1 ho durasaun tempu tinan 1.

2. Krime ofensa ba integridade fízika simples ho natureza violénsia doméstika

Nú. Prosesu	: 0152/17.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Pena prizaun fulan 9 no suspende ba tinan 1

Iha 04 Jullu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu JM hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 10 Agostu 2017, maisumenus iha tuku 07.00 dadeer, arguidu buti dala ida iha lezada nia kakorok no riba lezada ba rai. Aktu hirak ne'e rezulta lezada sofre moras.

Prokuradór akuza arguidu kontra artigu 145 Kódigu Penál kona-ba krime ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 Lei Kontra Violénsia Doméstika (LKVD).

Produsaun ba prova sira

Durante julgamentu, arguidu konfesa faktus hotu iha akuzasaun, arguidu deklara katak arrepende ona nia hahalok. Arguidu servisu hanesan to'os-na'in, laiha rendimentu fixu kada fulan no iha oan nain 5. Arguidu promete ba tribunál katak sei la-komete tan krime hasoru lezada ka ema seluk iha futuru no deklara katak depoisde akontesimentu ne'e diak malu kedas ho lezada no agora dadaun moris hamutuk iha uma 1 hanesan feen-laen.

Prokuradór husu ba tribunál atu prezinde lezada nia deklarasaun, tanba arguidu konfesa faktus hotu iha akuzaaun.

Alegasaun final

Prokuradór haktuir katak arguidu provadu komete krime hasoru lezada no kazu violénsia doméstika barak liu akontese iha Rejiaun Oekusi kompara ho distritu/munisípiu sira seluk. Tanba ne'e husu ba tribunál atu aplika pena tuir artigu 145 KP.

Enkuantu defeza haktuir katak arguidu deklara faktus hotu ne'ebé akuza ba arguidu, arrepende ona nia hahalok no promete sei la komete tan krime hasoru lezada iha futuru no arguidu iha oan nain 5. Defeza haktuir tan katak arguidu laiha rendimentu fixu kada fulan no foin primeiravés mai hatan iha tribunál. Tanba ne'e husu ba tribunál aplika pena ne'ebé adekuadu ba arguidu.

Desizaun

Depoisde avalia faktu sira ne'ebé prodús durante julgamentu, tribunál prova katak arguidu provadu komete krime hasoru lezada. Bazeia ba faktu provadu hirak ne'e no sirkunstánsia asosiadu sira hotu, tribunál kondena arguidu ho pena prizaun fulan 9 suspende ba tinan 1.

3. Krime pekulatu

Nú. Prosesu	: 0014/16.PDOEC
Kompozisaun Tribunál	: Kolektivu
Juis	: Dr. João Ribeiro
	: Dr. Sribuana da Costa
	: Dr. Eusebio Victor Xavier
Prokuradór	: Dr. Mateus Nesi
Defeza	: Dr. Calisto Tout
	: Dr. Inasio Quebo ho Dr. Filipe Landos
Tipu pena	: Pena prizaun tinan 1 suspende ba tinan 1 ba kada arguidu

Iha 06 Julu 2018, Tribunál Distritál Oekusi prezide julgamentu leitura akordaun ba krime pekulatu ne'ebé envolve arguidu Victor Rodrigues Teme nu'udar responsavel iha Diresaun Regional Transporte no Terreste (DRTT) no arguidu João da Costa nu'udar oficial financa (rebedor) iha Diresaun Regional Transporte no Terreste Oekusi hasoru Estadu RDTL, iha Suku Costa, Sub-distritu Pante-makassar, Distritu Oekusi.

Akuzasaun Prokuradór

Prokuradór akuza katak iha loron no data ne'ebé la apuradu, maibé iha tinan 2013, Diresaun Nasional Transporte no Terreste (DNNT) fó sai relatóriu anual kona-ba reseitas infrasaun Kódigu Estrada hosi Distritu Dili, Baucau, Manufahi, Bobonaro inklui Oekusi hahu husi fulan Janeiru to'ó Dezembru 2013 no Rejiaun Oekusi ho montante osan hamutuk US\$3,756.00. Enkuantu relatóriu anual husi Polisia Tranzitu Oekusi kona-ba infrasaun sira husi Kódigu Estrada mak infrator sira viola bazeia ba fratura pro-forma veikulu motorizada nian ho total osan hamutuk US\$4,597,15. Nune'e iha diferensia total osan hosi relatoriu DNNT no Polisia Tranzitu Oekusi hodi hamosu prejuizu ba Estadu RDTL.

Prokuradór akuza arguidu nain rua kontra artigu 295 Kódigu Penál kona-ba krime pekulatu ho moldura penál tinan 3 to'ó tinan 10 prizaun

Produsaun ba prova sira

Iha julgamentu, arguidu sira konfesa integralmente ba faktus sira iha akuzasaun no deklarata katak iha diferensia total osan hosi relatoriu DNNT no Polisia Tranzitu, tanba osan balu arguidu sira uza ba sosa ATK kantor nian. Arguidu sira mós deklarata katak fó fila ona osan ne'ebé uza ba sosa ATK, arguidu Victor Rodrigues Teme ho vensimentu kada fulan US\$380.00 no iha oan nain 6, arguidu João da Costa ho vensimentu kada fulan US\$291.00 no iha oan nain 4.

Prokuradór husu ba Tribunál atu prezinde testemuña husi Polisia Tranzitu nia depoimentu, tanba arguidu sira konfesa faktus hotu iha akuzasaun.

Alegasaun final

Prokuradór konsidera arguidu sira provadu komete krime pekulatu bazeia ba akuzasaun husi prokuradór. Tanba ne'e husu ba tribunál atu kondena arguidu sira tuir artigu 295 Kódigu Penál.

Iha parte seluk defeza husu ba tribunál atu kondena arguidu sira ho pena ne'ebé adekua, tanba antes julgamentu arguidu sira devolve ona osan sira ne'ebé sei falta, mesmu osan ne'e arguidu sira uza hodi sosa ATK, nune'e bele asegura servisu sira lae tarde.

Desizaun

Depoizide avalia faktus sira ne'ebé prodús durante julgamentu, tribunál prova katak arguidu sira provadu komete krime pekulatu, mesmu nune'e arguidu sira ho vontade rasik devolve fali ona osan ne'ebé sira foti. Tribunál mós konsidera katak haree ba sirkunstánsia atenuantes no agravantes hirak ne'e hotu, tribunál kondena arguidu nain rua ho pena prizaun tinan 1 suspende ba tinan 1 no selu kustu judisiál US\$20.00 hosi kada arguidu.

4. Krime kontrabandu

Nú. Prosesu : 0030/17.OESIC

Kompozisaun Tribunál : Kolektivu
Juis : Dr. João Ribeiro
: Dr. Sribuana da Costa
: Dr. Eusebio Victor Xavier
Prokuradór : Dr. Mateus Nesi
Defeza : Dr. Marcelino Marques Coro
: Dr. Inasio Quebo ho Dr. Filipe Landos
Tipu pena : Pena prizaun tinan 1 suspende ba tinan 1

Iha 09 Jullu 2018, Tribunál Distritál Oekusi prezide julgamentu leitura akordaun ba krime kontrabandu ne'ebé envolve arguida Judita Siki hasoru Estadu RDTL, iha Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 13 Feveireiru 2017, maisumenus tuku 21.30 kalan, arguida hatama sasan ilegal liuhosi fronteira Poto, sasan sira ne'e hanesan vela motor kaixa 1, lilin kaixa 19 ho valor osan US\$190.00, biskuit UBM kaixa 3 ho valor osan US\$45.00, energen, kafe jahe no neskafe kaixa 11 ho valor osan US\$226.00, kafe tugu buaya no kafe moca kaixa 2 iha bal 24 ho valor osan US\$210.00, *hand body citra* kaixa 3 no marina kaixa 5 ho valor osan US\$234.00, pupuk daun kaixa 2 no *kiltop basa* kaixa 2 ho valor osan US\$359.00, no ajinomoto kaixa 9 ho valor osan US\$259.20.

Prokuradór akuza arguida kontra artigu 316 Kódigu Penál kona-ba krime kontrabandu ho moldura penál tinan 2 to'o tinan 6 prizaun ka multa.

Produsaun ba prova sira

Iha julgamentu, arguida konfesa faktus hotu iha akuzasaun, arguida deklarata katak arrepende ona nia hahalok no promete sei la repete hahalok hanesan iha futuro. Arguida hatutan tan katak hakarak selu fali kedas taxa ba Diresaun Alfandega maibé hosi Diresaun Alfandega dehan katak depoisde prosesu iha tribunál hotu mak bele selu taxa. Arguida nu'udar negosiante ki'ik, laiha rendimentu fiksi kada fulan no iha oan nain 5.

Prokuradór husu ba Tribunál atu prezinde testemuña hosi Unidade Polisia Fronteira (UPF) nia depoimentu tanba arguida konfesa faktus hotu iha akuzasaun.

Alegasaun final

Prokuradór konsidera arguida provadu komete krime kontrabandu, tanba ne'e husu ba tribunál atu aplika pena ne'ebé hakerek ona iha artigu 316 KP ba arguida.

Defeza haktuir katak arguida konfesa faktus hotu iha akuzasaun, arrepende ona nia hahalok. Arguida hatudu kolaborasaun diak ho tribunál no laiha rendimentu fixu kada fulan no promete sei larepete tan hahalok hanesan iha futuro. Tanba ne'e husu ba tribunál atu aplika pena ne'ebé adekua ba arguida.

Desizaun

Depoisde avalia faktu hotu, tribunál prova katak arguida komete duni krime tuir faktu sira iha

akuzasaun. Bazeia ba prova sira ne'e, tribunál kondena arguida ho pena prizaun tinan 1 suspende ba tinan 1 no selu kustu judisiál US\$20.00.

5. Krime tentativa violasaun seksuál

Nú. Prosesu	: 0108/16.OESIC
Kompozisaun Tribunál	: Kolektivu
Juis	: Dr. João Ribeiro : Dr. Sribuana da Costa : Dr. Eusebio Victor Xavier
Prokuradór	: Dr. Mateus Nesi
Defeza	: Dr. Calisto Tout : Dr. Inasio Quebo no Dr. Filipe Landos
Tipu pena	: Pena prizaun tinan 3 suspende ba tinan 5, devér adisionál no indemnizasaun sivil

Iha 09 Jullu 2018, Tribunál Distritál Oekusi prezide julgamentu leitura akordaun ba krime koasaun seksuál ne'ebé envolve arguidu AS hasoru lezada AdFEL, iha Distritu Oekusi.

Akuzasaun Prokuradór

Prokuradór akuza katak iha 21 Maiu 2016, maisumenus iha tuku 08.00 dader, wainhira lezada silu hela batar iha to'os ne'ebé besik uma, arguidu tuir lezada ba to'os laran kaer iha lezada nia liman kabun no dehan ba lezada atu halo relasaun seksuál. Maibé lezada lakohi, nune'e lezada hakilar no testemuña MAE rona lezada hakilar ba kedas fatin akontesimentu no lori arguidu no lezada ba uma hodi rozolve problema ne'e, maibé wainhira to'o iha uma arguidu hakarak lezada nia laen fila hosi Dili mak bele rezolve.

Prokuradór akuza arguidu kontra artigu 171 Kódigu Penál kona-ba krime koasaun seksuál ho moldura penál tinan 2 to'o tinan 8 prizaun ka multa.

Produsaun ba prova sira

Iha julgamentu, arguidu nega faktus hotu iha akuzasaun no deklarata katak iha loran akontesimentu ne'e, arguidu ho lezada hasoru malu iha arguidu nia to'os no la'os iha lezada nia to'os. Arguidu deklarata katak halo relasaun seksuál ho lezada dala 4 ona no atu halo tan relasaun seksuál mak derepente testemuña mosu iha fatin akontesimentu no lori arguidu ba lezada nia uma. Wainhira arguidu halo relasaun seksuál ho lezada sempre fó osan ba lezada no total osan ne'ebé arguidu fó ona ba lezada hamutuk US\$55.00. Deklarasaun hanesan mós arguidu hato'o iha mediasaun ne'ebé xefe aldeia no xefe suku halo, maibé lakonsege hetan ninia rezultadu. Arguidu iha oan nain 5, foin primeiravés mai hatan iha tribunál no arguidu laiha rendimentu fixu kada fulan.

Enkuantu lezada mantein ho faktus sira hotu iha akuzasaun prokuradór nian no deklarata katak iha akontesimentu ne'e arguidu tama tuir lezada ba to'os laran kaer lezada nia kabaas loos no rasta lezada. Lezada haktuir liután katak lezada la husu osan ba arguidu no antes ne'e lahalo relasaun seksuál ho arguidu. Lezada deklarata tan katak wainhira testemuña mosu iha fatin akontesimentu mak arguidu hatun nia liman husi lezada nia kabaas no wainhira resolve problema ne'e iha xefe

aldeia no xefe suku arguidu sempre deklara katak fó osan ba lezada mak foin halo relasaun seksuál.

Testemuña MAE nu'udar lezada nia maun depoimenta katak wainhira rona lezada hakilar no testemuña halai ba haree arguidu ho lezada sei kaer malu no rasta malu hela, nune'e testemuña hasai arguidu nia liman husi lezada nia kabaas. Testemuña kaer lezada ho arguidu iha lezada nia to'os no la'os iha arguidu nia to'os hodi lori ba uma. Wainhira to'o iha uma arguidu dehan katak diak liu hein lai lezada nia laen mai husi Dili mak rezolve.

Tanba durante produsaun ba prova iha kontradisaun kona-ba fatin akontesimentu. Arguidu deklara katak testemuña kaer arguidu ho lezada iha arguidu nia to'os. Enkuantu testemuña no lezada deklara katak kaer lezada ho arguidu iha lezada nia to'os laran. Tanba ne'e, tribunál decide halo akareasaun entre arguidu, lezada no testemuña.

Iha prosesu akaresasaun ne'e lezada kontinua mantein nia pozisaun katak iha akontesimentu ne'e arguidu husu ba lezada atu halo reklasaun seksuál no kaer iha lezada iha nia kabaas sorin loos no rasta iha lezada nia to'os laran no laloos iha arguidu nia to'os. Wainhira lezada hakilar no testemuña to'o iha fatin akontesimentu haree arguidu no lezada rasta malu hela testemuña mak hafafe sira. Testemuña deklara katak kaer lezada ho arguidu iha lezada nia to'os no la'os iha arguidu nia to'os. Enkuantu arguidu mantein ho ninia deklarasaun katak akontesimentu ne'e iha arguidu nia to'os laran.

Hosi rezultadu akareasaun tribunál bazeia ba artigu 275 Kódigu Prosesu Penal (KPP) halo alterasaun substansial kona-ba faktu iha akuzasaun husi krime koasaun seksuál ba fali krime violasaun seksuál ho forma tentada bazeia ba artigu 172 Kódigu Penál no artigu 23 Kódigu Penál.

Alegasaun final

Prokuradór konsidera arguidu provadu komete krime violasaun seksuál ho forma tentada, mesmu arguidu nega faktus hotu iha akuzasaun. Prokuradór reforsa tan katak arguidu tenta atu muda nia deklarasaun atu nune'e ema hotu hatene katak durante ne'e arguidu halo ona relasaun seksuál ho lezada no sempre fó osan ba lezada, nune'e tribunál bele konsidera aktu ne'e mosu tanba hakarak ho hakarak. Tanba ne'e husu ba tribunál atu kondena arguidu tuir pena ne'ebé hakerek ona iha artigu 172 Kódigu Penál.

Enkuantu defeza haktuir katak arguidu deklara deit faktus ne'ebé akontese iha momentu ne'e no defeza haree katak arguidu no lezada hatene malu diak no fiar liu ba arguidu nia deklarasaun. Arguidu laiha rendimentu fixu kada fulan, iha oan nain 5 no kolabora ho tribunál. Defeza hatutan liutan katak arguidu ho lezada seidak diak malu, tanba lezada hakarak arguidu tenke fo kotu lezada nia barlaque ho morteen naruk 1 no karau 5. Tanba ne'e husu ba tribunál atu absolve arguidu husi krime ne'e, maibé karik tribunál iha hanoin seluk, parte defeza husu justisa.

Desizaun

Depoide avalia faktus hotu ne'ebé prodús durante julgamentu, tribunál halo alterasaun juridiku hosi artigu 171 Kódigu Penál kona-ba krime koasaun seksuál ba fali artigu 172 Kódigu Penál kona-ba violasaun no artigu 23 Kódigu Penál kona-ba tentativa. Tribunál konsidera arguidu

provalu komete krime tentativa violasaun seksuál hasoru lezada, arguidu la arrepende ninia hahalok no tenta atu bosok tribunál. Bazeia ba konsiderasaun sira ne'e hotu, tribunál konklui prosesu ne'e no kondena arguidu ho pena prizaun tinan 3 no suspende ba tinan 5 no selu kustu judisiál US\$20.00. Tribunál mós aplika devér adisionál atu arguidu husu deskulpa ba lezada iha autoridade lokal nia oin no fó indemnizasaun sivil ba lezada ho osan US\$200.00.

6. Krime kontrabandu

Nú. Prosesu : 0040/17.OESIC
Kompozisaun Tribunál : Kolektivu
Juis : Dr. João Ribeiro
: Dr. Sribuana da Costa
: Dr. Eusebio Victor Xavier
Prokuradór : Dr. Mateus Nesi
Defeza : Dr. Marcelino Marques Coro
: Dr. Inasio Quebo ho Dr. Filipe Landos
Tipu pena : Pena prizaun tinan 1 fulan 6 no suspende ba tinan 1 fulan 6 ba
kada arguidu

Iha 09 Jullu 2018, Tribunál Distritál Oekusi prezide julgamentu leitura akordaun ba krime kontrabandu ne'ebé envolve arguidu Angelio Oqui no Andreas Colo hasoru Estadu RDTL, iha Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 01 Marsu 2017, maisumenus iha tuku 22.15 kalan, arguidu sira hatama sasan ilegal liuhosi fronteira Oesilo entre Indozesia ho Timor-Leste. Sasan sira ne'ebé arguidu sira hatama mak hanesan gazolina litru 610 no gazoel litru 220. Arguidu sira kompra sasan sira ne'e ho total osan hamutuk US\$622.00.

Prokuradór akuza arguidu sira kontra artigu 316 Kódigu Penál kona-ba krime kontrabandu ho moldura penál tinan 2 to'o tinan 6 prizaun ka multa.

Produsaun ba prova sira

Iha julgamentu, arguidu sira konfesa faktus hotu iha akuzasaun, arrepende ona sira nia hahalok no deklara katak selu ona taxa ba Dirasaun Alfandega. Arguidu sira hatene katak hahalok hanesan ne'e ladiak, arguidu sira nu'udar negosiante ki'ik ho rendimentu kada fulan US\$35.00 no promete sei la repete tan hahalok hanesan iha futuru. Arguidu sira deklara katak polisia UPF halo ona kapturasaun dala 2 hasoru arguidu sira.

Prokuradór husu ba Tribunál atu prezinde testemuña hosi Unidade Polisia Fronteira (UPF) nia depoimentu, tanba arguidu sira konfesa faktus hotu iha akuzasaun.

Alegasaun final

Prokuradór konsidera arguidu sira provadu komete krime kontrabandu, tanba ne'e husu ba Tribunál atu kondena arguidu sira tuir artigu 316 Kódigu Penál.

Enkuantu defeza haktuir katak arguidu sira konfesa faktus hotu iha akuzasaun, arrepende ona sira nia hahalok, kolabora ho tribunál no selu ona taxa ba alfandega. Arguidu sira nu'udar negosiante

ki'ik ho rendimentu kada fulan US\$35.00. Tanba ne'e husu ba Tribunál atu aplika pena ne'ebé adekua ba arguidu sira.

Desizaun

Depoizde avalia faktus sira ne'ebé prodús durante julgamentu, tribunál konklui katak arguidu sira provadu komete krime tuir akuzasaun prokuradór nian Aleinde ne'e tribunál hetan katak antes ne'e arguidu sira mós hetan ona sentensa/kondenasaun ba krime hanesan. Bazeia ba sirkunstánsia atenuantes no agravantes hirak ne'e hotu, tribunál konklui prosesu ne'e no kondena arguidu nain rua ho pena prizaun tinan 1 fulan 6 no suspende ba tinan 1 fulan 6. Tribunál mós kondena arguidu sira selu kustu judisiál; tuir ida-idak ninia klasifikasaun. Ba arguidu Agelio Oqui sei selu US\$50.00, no arguidu Andreas Colo sei selu US\$20.00.

7. Krime furtu agravadu

Nú. Prosesu	: 0037/16.OEOSL
Kompozisaun Tribunál	: Kolektivu
Juis	: Dr. João Ribeiro : Dr. Sribuana da Costa : Dr. Eusebio Victor Xavier
Prokuradór	: Dr. Mateus Nesi
Defeza	: Dr. Calisto Tout : Dr. Inasio Quebo ho Dr. Filipe Landos
Tipu pena	: Pena prizaun tinan 2 no suspende ba tinan 3 ba kada arguidu

Iha 10 Jullu 2018, Tribunál Distritál Oekusi prezide julgamentu leitura akordaun ba krime furtu agravadu ne'ebé envolve arguidu Raimundu Mano, Jacinto Colo, Antao Queno no arguidu Domingos Mano hasoru Estadu RDTL, iha Suku Usitaqueno, Sub-distrito Oesilo, Distritu Oekusi.

Akuzasaun Prokuradór

Prokuradór akuza katak iha 05 Maiu 2016, maisumenus iha tuku 01 Madrugada, arguidu nain 4 ne'ebé servisu iha projeitu PNDS hodi halo ponte kiik, foti semente saku 19, besi beton 11 hosi projeitu nian hodi tau ses husi fatin projeitu. Aktu ne'e hamosu prejuizu ba Estadu RDTL.

Prokuradór akuza arguidu sira kontra artigu 252 Kódigu Penál kona-ba krime furtu agravadu ho moldura penál tinan 2 to'o tinan 8.

Produsaun ba prova sira

Iha julgamentu, arguidu sira konfesa parsialmente ba faktus iha akuzasaun. Arguidu Raimundu Mano deklara katak iha akontesimentu ne'e arguidu foin foti semente saku 1 atu lori ba uma no testemuña kaer arguidu, nune'e arguidu lakonsege foti semente refere. Nune'e arguidu Raimundu Mano deskobre katak antes ne'e hamutuk ho arguidu sira seluk foti besi beton 4 (8 mil) no faan ba Elu Mano ho valor osan US\$22.00 ho objetivu atu hola fós ba tein, sigaru no rinso atu fase sira nia roupa tanba patraun fulan 1 ona seidauk halo pagamentu ba sira.

Iha parte seluk arguidu Jacinto Colo, Antao Queno deklara katak antes ne'e, sira hamutuk foti duni besi beton 4 (8 mil) la fó hatene patraun hanesan PNDS no faan ba Elu Mano ho valor osan

US\$22.00. Arguidu sira halo ida-ne'e ho objetivu atu hola foos ba tein, sigaru no rinso atu fase sira nia roupa tanba patraun seidak halo pagamentu ba sira fulan ida ona. Enkuantu kona-ba semente saku 19 ne'e, arguidu sira hamutuk muda ba tau iha baraka laran, tanba atu prevene husi udan no semente balun tau iha ponte okos, tanba iha altura ne'eba tempu udan. Arguidu sira mós haktuir tan katak kona-ba besi beton 11, arguidu sira foti tau fali iha lutu laran tanba tauk wainhira iha kalan arguidu sira fila ba uma no ema liuhosi estrada bele foti. Arguidu sira deklarata katak diak malu ona ho patraun. Obra refere arguidu sira mak halo to'o remata no inagura. Arguidu sira deklarata katak arrepende ona sira nia hahalok, foin primeiravés mai hatan iha tribunál, laiha rendimentu fixu kada fulan no promete sei la komete tan krime hanesan iha futuro.

Testemuña Fernando Lafu nu'udar komidade iha bairo refere depoimenta katak antes ne'e arguidu nain 4 du'un testemuña no maluk sira iha bairo ne'e mak na'ok sira nia lona. Testemuña deklarata katak iha loron ne'ebé temi ona leten (5 Maiu 2016), nia toman arguidu Raimundo Mano ne'ebé servisu iha projeitu refere foti semente saku 1 iha ponte okos atu lori ba uma, hafoin arguidu Raimundo fó hatene testemuña katak la'os nia mesak mak na'ok maibé sira nain 4 na'ok hotu no ba haree took semente balun sira muda ona iha baraka laran besik projeitu no besi balun iha lutu laran. Testemuña mós haktuir tan katak depoisde akontesimentu ne'e, arguidu sira mak kontinua halo obra ne'e to'o remata.

Alegasaun final

Prokuradór konsidera arguidu sira provadu komete krime furtu agravadu, mesmu iha produsaun ba prova, arguidu sira tenta atu muda faktus iha akuzasaun. Tanba ne'e husu ba Tribunál atu kondena arguidu sira tuir artigu 252 Kódigu Penál.

Iha parte seluk, defeza husu ba tribunál atu kondena arguidu sira ho pena ne'ebé kmaan, tanba arguidu sira la konsege realiza krime refere. Defeza hatutan katak kona-ba besi boton 4 ne'ebé arguidu sira fa'an tanba nesesidade no merese duni atu arguidu sira fa'an atu bele hola hahan tanba fulan 1 ona husi PNDS seidak halo pagamentu ba sira. Defeza fiar liu ba arguidu sira nia deklarasaun tanba sira deklarata ho onestu, foin primeiravés mai hatan iha tribunál, mesak oan nain hotu, diak malu ona ho parte PNDS no arguidu sira kontinua hetan fiar husi PNDS to'o servisu projeitu ne'e remata no inagura.

Desizaun

Depoisde avalia faktu sira hotu, tribunál prova katak arguidu sira komete duni krime tuir faktu sira iha akuzasaun prokuradór nian tuir artigu 252 no aumenta tan ho alinea 1 letra (K). Bazeia ba prova ne'e, tribunál kondena kada arguidu ho pena prizaun tinan 2 no suspende ba tinan 3.

8. Krime abuzu seksuál ba menór ho agravasaun

Nú. Prosesu	: 0044/17.OESIC
Kompozisaun Tribunál	: Kolektivu
Juis	: Dr. João Ribeiro
	: Dr. Sribuana da Costa
	: Dr. Eusebio Victor Xavier
Prokuradór	: Dr. Mateus Nesi
Defeza	: Dr. Calisto Tout
	: Dr. Inasio Quebo ho Dr. Filipe Landos

Tipu pena : Pena prizaun tinan 3 no suspende ba tinan 5 no devér adisionál

Iha 10 Jullu 2018, Tribunál Distritál Oekusi prezide julgamentu leitura akordaun ba krime abuzu seksuál ba menór ho agravasaun ne'ebé envolve arguidu CS hasoru nia viziñu lezada FC (tinan 11 fulan 9), iha Distritu Oekusi.

Akuzasaun Prokuradór

Prokuradór akuza katak iha 15 Feveireiru 2017, maisumenus iha tuku 01.00 madrugada, arguidu tama ba lezada nia kuartu laran kous lezada no lori ba hatoba iha dapur laran. Arguidu kaer lezada nia orgaun seksuál no kolu lezada nia kalsa to'o ain-tuur no taka lezada nia ibun. Lezada hakilar no husu ajuda ba testemuña no bolu nia-maun katak "*maun mai lai, ema kaer ha'u.*" Testemuña halai ba fatin akontesimentu no toman arguidu kolu duni lezada nia kalsa to'o ain-tuur, testemuña dehan ba arguidu katak "*labarik mós ó mai book ne'e*" no arguidu resposta katak "*ha'u halo sala ona.*" Hafoin testemuña lori arguidu no lezada ba tuur iha veranda no testemuña telefone ba nia rian (lezada nia maun) JC hodi hato'o problema ne'e no arguidu mós hamrik fila ba nia uma, sein fó hatene ba lezada no testemuña.

Maisumenus iha tinan 2017, arguidu fó osan US\$1.50 ba lezada atu hola kadeirnu, no arguidu hateten ba lezada katak "*ó eskola de'it, ha'u mak haree ó*" no arguidu kaer lezada nia susun rua no bandu lezada atu labele fó hatene ba lezada nia inan aman, selae arguidu sei baku mate lezada.

Prokuradór akuza arguidu kontra artigu 177 nú 2 Kódigu Penál kona-ba krime abuzu seksuál ba menór ne'ebé mak seidauk iha idade 14 ho moldura penál tinan 4 to'o tinan 15 prizaun no agravasaun, tuir artigu 182 Kódigu Penál.

Produsaun ba prova sira

Iha julgamentu, arguidu nega faktus hotu iha akuzasaun no deklarata katak loos duni arguidu ba iha lezada nia uma maisumenus tuku 21.00 kalan fó osan US\$1.50 ba lezada tanba lezada mak telefone arguidu no husu osan. Depoizde lezada simu tiha osan no arguidu atu fila ona maibé lezada mak dehan ba arguidu tuur lai. Arguidu mós tuur hafoin testemuña sai mai leno haree hetan arguidu no husu dehan imi halo saida iha ne'e. Arguidu haktuir tan katak nia lakaer lezada nia susun, lakous lezada lori ba dapur laran no lakolu lezada nia roupa. Arguidu hanesan profesor voluntáriu iha eskola primária no deklarata katak lori osan ba fó lezada iha kalan ladiak. Arguidu iha oan nain 1 no foin primeiravés mai hatan iha tribunál no arguidu laiha rendementu fixu kada fulan tanba sei servisu hanesan profesor voluntáriu.

Enkuantu lezada konfirma faktus hotu iha akuzasaun no deklarata katak iha akontesimentu ne'e arguidu tama ba lezada nia kuartu laran ko'us lezada no lori ba hatoba iha dapur laran. Arguidu kaer lezada nia orgaun seksuál no kolu lezada nia kalsa to'o ain-tuur no taka lezada nia ibun, lezada hakfodak no bolu nia maun mai ajuda nian. Lezada hatutan katak ha akontesimentu ne'e lezada nia inan aman ba halo hela lia no lezada ho nia maun ho nia feen deit mak iha uma. Lezada mós rejaita katak iha kalan ne'e nia husu osan US\$1.50 sentavus ba arguidu.

Testemuña AS nu'udar lezada nia maun depoimenta katak kuandu rona lezada hakilar no testemuña halai ba haree toman arguidu kolu duni lezada nia kalsa to'o lezada nia ain-tuur,

nune'e testemuña dehan ba arguidu katak "labarik mós ó mai book ne'e..." no arguidu resposta katak *hau sala ona*". Depoisde kaer toman arguidu, testemuña lori arguidu no lezada ba tuur iha veranda no testemuña telefone nia familia sira hodi hato'o problema ne'e no arguidu mós hamrik fila ba nia uma sein fó hatene ba testemuña.

Alegasaun finál

Prokuradór konsidera arguidu provadu komete krime abuzu seksuál ba menór ho agravasaun mesmu iha produsaun ba prova arguidu nega faktus hotu iha akuzasaun no tenta atu bosok tribunál. Tanba ne'e husu ba tribunál atu kondena arguidu tuir pena ne'ebé hakerek ona iha artigu 177 Kódigu Penál no agrava ho artigu 182 KP.

Enkuantu Defeza haktuir katak aktu ne'e akontese tanba iha kalan ne'e lezada mak telefone husu osan no dehan ba arguidu atu lori osan ne'e fó ba lezada iha lezada nia uma. Arguidu servisu hanesan profesor voluntáriu no laiha rendementu fixu kada fulan. Arguidu iha oan nain 1, rekoñese kuandu ba iha ema nia uma ho kalan ladiak, kolabora diak ho tribunál mesmu seidak dame malu ho lezada. Tanba ne'e husu ba tribunál fó pena ne'ebé kmaan ba arguidu.

Desizaun

Depoisde avalia faktus sira ne'ebé prodús durante julgamentu, tribunál konsidera katak arguidu iha intensaun atu halo abuzu seskuál ba lezada, arguidu ninia intensaun ne'e la realiza tanba hetan impedimentu hosi testemuña.

Bazeia ba artigu 275 Kodigu Prosesu Penál (KPP) alterasaun substansiál kona-ba faktus iha akuzasaun, nune'e tribunál decide altera artigu 177 nú. 2 KP kona-ba abuzu seksuál ba menór ne'ebé mak seidak iha idade 14, ba fali artigu 177 nú. 1 KP abuzu seksuál ba menór ho kóitu vajinál, kóitu anál, kóitu oral ho labarik ne'ebé seidak iha idade tinan 14 no artigu 23 KP kona-ba tentativa, 24 KP kona-ba tentativa ninia punibilidade no artigu 182 nú. 1 alinea a KP kona-ba agravasaun baluk ida-tolu (1/3) tanba vítima nia idade ki'ik liu tinan 12 iha momentu ne'ebé ajente pratika faktus ne'e

Bazeia ba alterasaun ne'e tribunál konklui katak pena mínimu ba kazu ne'e mak pena prizaun tinan 1 fulan 4 no másimu tinan 17 fulan 9 lora 10.

Tribunál mós konsidera katak hare ba sirkunstánsia atenuánses no agravantes asociadu sira no kondena arguidu ho pena prizaun tinan 3 suspende ba tinan 5. Tribunál mós aplika devér adisionál atu arguidu husu deskulpa ba lezada iha autoridade lokal nia oin no fó indemnizasaun sivíl ba lezada ho osan US\$250.00 iha tempu fulan 1 nia laran no lori akta husi suku nian mai tribunál atu junta hamutuk iha prosesu refere.

9. Krime kontrabandu

Nú. Prosesu	: 0018/17.OESIC
Kompozisaun Tribunál	: Kolektivu
Juis	: Dr. João Ribeiro
	: Dr. Sribuana da Costa
	: Dr. Eusebio Victor Xavier
Prokuradór	: Dr. Mateus Nesi

Defeza : Dr. Calisto Tout
: Dr. Inasio Quebo ho Dr. Filipe Landos
Tipu pena : Pena prizaun tinan 1 suspende ba tinan 1 fulan 6

Iha 11 Juñu 2018, Tribunál Distritál Oekusi prezide julgamentu leitura akordaun ba krime kontrabandu ne'ebé envolve arguidu Yohanes Siqui, Jacinto Bobo no arguida Venidora Colo hasoru Estadu RDTL, iha Suku Bobometo, Sub-distrito Oesilo, Distritu Oekusi.

Akuzasaun Prokuradór

Prokuradór akuza katak iha 20 Janeiru 2017, maisumenus iha tuku 10.15 dader, arguidu/a sira hamutuk hatama sasan ilegal liu hosi fronteira Poto Oesilo, Aldeia Saben. Sasan sira ne'ebé arguidu/a sira hatama mak hanesan gazolina litru 215 ho valor osan US\$161.25, gazoel litru 70 ho valor osan US\$75.00, mina rai litru 85 ho valor osan US\$63.75 no sapatu ho marka (dalas, spostar, kodachi) hamutuk par 31 ho valor osan US\$217.00.

Prokuradór akuza arguidu/a sira kontra artigu 316 Kódigu Penál kona-ba krime kontrabandu ho moldura penál tinan 2 to'o tinan 6 prizaun ka multa.

Produsaun ba prova sira

Iha julgamentu, arguidu/a sira konfesa faktus hotu iha akuzasaun no deklarata katak arrepende ona sira nia hahalok. Arguidu/a sira mós deklarata katak selu ona taxa ba Diresaun Alfandega no arguidu/a sira hanesan negosiante ki'ik laiha rendimentu fixu kada fulan no arguidu/a sira mesak oan na'in hotu. Arguidu/a sira promete sei larepete tan hahalok hanesan iha futuru no arguidu/a sira hatene ona hahalok hanesan ne'e ladiak no kontra lei timor nian.

Prokuradór husu ba Tribunál atu prezinde testemuña hosi Unidade Polisia Fronteira (UPF) nia depoimentu, tanba arguidu/a sira konfesa faktus hotu iha akuzasaun.

Alegasaun final

Prokuradór konsidera arguidu/a sira provadu komete krime kontrabandu hasoru estadu no krime kontrabandu barak liu akontese iha Regiaun Oekusi hodi hamosu prejuizu ba Estadu RDTL. Tanba ne'e husu ba Tribunál atu kondena arguidu/a sira tuir pena ne'ebé hakerek ona iha artigu 316 Kódigu Penál.

Enkuantu defeza husu pena ne'ebé kmaan, tanba arguidu/a sira konfesa faktus hotu iha akuzasaun, arrepende ona sira nia hahalok, promete la repetan tan hahalok hanesan iha futuru, arguidu/a sira ho vontade selu ona taxa ba iha Alfandega antes julgamentu, arguidu/a sira hanesan negosiante ki'ik laiha rendimentu fixu kada fulan, iha kolaborasaun diak ho Tribunál, no hatene hahalok hanesan ne'e ladiak no kontra lei.

Desizaun

Depoisde avalia faktu sira hotu, tribunál prova katak arguidu/a sira komete duni krime tuir faktus iha akuzasaun prokuradór nian. Tribunál mós prova katak arguidu Yohanes Siqui no arguida Vendidora iha Abril no Maiu 2016 komete ona krime hanesan no tribunál kondena ona arguidu no arguida ho pena prizaun tinan 2 no suspende ba tinan 2. Tribunál mós konsidera katak haree ba sirkunstasia atenuantes no agravantes hirak ne'e hotu no kondena arguidu Yohanes Siqui no

arguida Vendidora Colo ho pena prizaun tinan 1 fulan 6 no suspende ba tinan 1 fulan 6 no selu kustu judisiál US\$20.00. Enkuantu ba arguidu Jacinto Bobo tribunál kondena ho pena prizaun tinan 1 no suspende ba tinan 1 fulan 6.

10. Krime ofensa ba integridade fízika simples ho natureza violénsia doméstika

Nú. Prosesu : 0023/18.OESIC
Kompozisaun Tribunál : Singulár
Juis : Dr. João Ribeiro
Prokuradór : Dr. Mateus Nesi
Defeza : Dr. Marcelino Marques Coro
Tipu pena : Pena prizaun tinan 1 suspende ba tinan 2 no regra ba konduta

Iha 16 Jullu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu ML hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 14 Feveireiru 2018, maisumenus iha tuku 12.00 meudia, arguidu lori ai-sanak baku dala 1 iha lezada nia ain-kabun parte karuk no buti dala 1 iha lezada nia kakorok. Aktu ne'e rezulta lezada sofre moras.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamentu, arguidu konfesa integralmente ba faktus hotu iha akuzasaun. Arguidu deklarara katak arrepende ona nia hahalok, servisu hanesan to'ós-na'in laiha rendimentu fixu kada fulan no iha oan nain 1. Arguidu haktuir tan katak antes ne'e iha 2 Marsu 2015, mai ona tribunál tanba halo krime hasoru nia feen no hetan ona pena prizaun fulan 6 no suspende ba tinan 1.

Prokuradór husu ba Tribunál atu prezinde lezada nia deklarasaun, tanba arguidu konfesa faktus hotu iha akuzasaun.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian. Prokuradór hatutan liután katak, arguidu la hatudu nia arrependementu tanba antes ne'e arguidu komete ona krime hanesan no tribunál kondena ona arguidu. Tanba ne'e, atu prevene no evita krime hanesan akontese tan iha futuro, husu ba Tribunál atu kondena arguidu tuir artigu 145 KP.

Defeza husu ba tribunál atu kondena arguidu ho pena ne'ebé adekuadu ho konsiderasaun sira katak arguidu konfesa, arrepende ona nia hahalok, iha oan nain 1 no diak malu ona ho lezada.

Desizaun

Depoizde avalia faktu sira hotu, tribunál prova katak arguidu komete duni krime tuir faktus sira iha akuzasaun prokuradór nian. Bazeia ba faktu provadu sira ne'e, tribunál kondena arguidu ho pena prizaun tinan 1 no suspende ba tinan 2. Tribunál mós aplika regra ba konduta atu arguidu apresenta aan periódikamente ba iha Esquadra PNTL Pante-makassar kada fulan dala 1 durante tinan 1.

11. Krime ofensa ba integridade fízika simples

Nú. Prosesu : 0038/18.OESIC
Kompozisaun Tribunál : Singulár
Juis : Dr. João Ribeiro
Prokuradór : Dr. Mateus Nessi
Defeza : Dr. Marcelino Marques Coro
: Dr. Inasio Quebo ho Dr. Filipe Landos
Tipu pena : Pena prizaun tinan 1 suspende ba tinan 1

Iha 16 Jullu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ne'ebé envolve arguidu Antao Elu hasoru lezadu Tonio Mario de Afonso (tinan 14), iha Suku Costa, Sub-distritu Pante-makassar, Distritu Oekusi.

Akuzasaun Prokuradór

Prokuradór akuza katak iha 09 Marsu 2018, maisumenus iha tuku 21.00 kalan, arguidu tebe dala ida iha lezadu nia ibun, tebe dala ida iha lezadu nia kanotak. Aktu ne'e rezulta lezadu monu ba rai no sofre kanek no ran iha lezadu nia ibun no kanotak. Kazu ne'e anexa mós ho relatóriu médiku husi Ospital Referral Oekusi no fotografia husi Polisia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa.

Produsaun ba prova sira

Iha julgamentu, arguidu konfesa parsialmente ba faktus sira iha akuzasaun. Arguidu deklara katak arguidu latebe lezadu, maibé arguidu lori ain dudu mak lezadu monu ba rai. Arguidu mós deklara katak arrepende ona nia hahalok, arguidu servisu hanesan ofisiál seguransa iha Telemor ho rendimentu kada fulan US\$140.00 no iha oan 2. Arguidu deklara katak antes ne'e iha tinan 2015, mai ona tribunál tanba komete krime kondusaun sein karta no tribunál kondena ho pena multa. Arguidu reforsa tan katak seidauk dame malu ho lezada tanba lezada mak lakohi no lezadu husu indemnizasaun sivil US\$1000,00. Enkuantu lezadu konfirma faktus hotu iha akuzasaun.

Testemuña Nilto Jose Hermenegildo da Costa (tinan 13) nu'udar lezadu nia kolega depoimenta katak kuandu testemuña ba iha fatin akontesementu, lahare arguidu maibé haree de'it lezadu ne'ebé ibun ran, nune'e testemuña ba fó hatene lezadu nia inan aman.

Testemuña Benditu Ximenes da Costa depoimenta katak, testemuña la haree arguidu tebe lezadu, tanba akontese tiha mak lezadu foin ba no haree lezadu nia ibun kanek no ran.

Alegasaun finál

Prokuradór konsidera arguidu provadu komete krime hasoru lezadu bazeia ba deklarasaun lezadu nian. Prokuradór hatutan liután katak, arguidu laiha arrendementu fiksi, tanba antes ne'e arguidu komete ona krime kondusaun sein karta no tribunál kondena ona arguidu. Tanba ne'e, atu prevene no evita krime hanesan akontese tan iha futuru, husu ba Tribunál atu kondena arguidu tuir artigu 145 KP.

Enkuantu Defeza haktuir katak arguidu deklaradeit faktus ne'ebé arguidu komete, arguidu hakarak diak malu fali ho lezadu maibé lezadu mak lakohi. Tanba ne'e husu ba tribunál atu aplika pena ne'ebé adekuadu ba arguidu.

Desizaun

Depoizde avalia faktu sira hotu, tribunál prova katak arguidu komete duni krime tuir faktus sira iha akuzasaun prokuradór nian. Bazeia ba faktu provadu sira ne'e, tribunál kondena arguidu ho pena prizaun tinan 1 suspende ba tinan 1 no selu kustu judisiál US\$20.00. Tribunál kondena mós arguidu fó indemnizasaun sivil ba lezadu ho osan US\$100.00 depoizde loron 15 desizaun tranzitu em julgadu.

12. Krime ofensa ba integridade fízika simples ho natureza violénsia doméstika

Nú. Prosesu : 0020/18.OESIC
Kompozisaun Tribunál : Singulár
Juis : Dr. João Ribeiro
Prokuradór : Dr. Mateus Nesi
Defeza : Dr. Calisto Tout
 : Dr. Inasio Quebo ho Dr. Filipe Landos
Tipu pena : Pena multa

Iha 16 Jullu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu AdSC hasoru nia bin, iha Distritu Oekusi.

Akuzasaun Prokuradór

Prokuradór akuza katak iha 09 Feveireiru 2018, maisumenus iha tuku 14.00 lokraik, arguidu tuku dala ida iha lezada nia matan fukun parte karuk no tebe dala ida iha lezada nia hirus matan. Aktu ne'e rezulta lezada monu ba rai no sofre moras. Kazu ne'e anexa mós ho relatóriu médiku husi Ospital Referral Oekusi no fotografia husi Polisia-VPU.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 LKVD.

Produsaun ba prova sira

Iha julgamentu, arguidu konfesa faktus hotu iha akuzasaun, arguidu deklaradeit katak arrende ona nia hahalok, foin primeiravés mai hatan iha tribunál. Arguidu deklaradeit mós katak hanesan estudante laiha rendimentu fixu kada fulan, arguidu deklaradeit katak diak malu ona ho lezada no promete sei la komete tan krime hanesan iha futuru.

Prokuradór husu ba tribunál prezinde lezada nia deklarasaun, tanba arguidu konfesa integralmente ba faktus iha akuzasaun.

Alegasaun final

Prokuradór konsidera arguidu provadu komete krime hasoru nia bin bazeia ba konfisaun arguidu nian no tuir lolos arguidu tenke respeita lezada tanba lezada mak iha responsabilidade tomak ba arguidu liu-liu tau matan ba arguidu nia eskola no nesesidade sira seluk. Tanba ne'e husu ba Tribunál atu kondena arguidu tuir pena ne'ebé hakerek ona iha artigu 145 KP.

Enkuantu defeza haktuir katak arguidu konfesa, arrepende ona nia hahalok no promete sei la komete tan krime hanesan iha futuro no diak malu ona ho lezada. Tanba ne'e husu ba tribunál atu aplika pena ne'ebé adekua ba arguidu.

Desizaun

Depoide avalia faktu sira hotu, tribunál prova katak arguidu komete duni krime tuir faktus sira iha akuzasaun prokuradór nian. Bazeia ba faktu provadu sira ne'e, tribunál kondena arguidu ho pena multa US\$75.00 ne'ebé sei selu 0,50 sentavus kada loron durante loron 150. Tribunál mós fiksa pena alternativa durante loron 100 prizaun, wainhira arguidu la kumpri pena multa refere.

13. Krime ofensa ba integridade física simples

Nú. Prosesu	: 0008/18.OEPMK
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro : Dr. Inasio Quebo no Dr. Filipe Landos
Tipu pena	: Omologa pedidu dezisténsia keixa

Iha 16 Jullu 2018, Tribunál Distritál Oekusi prezide julgamentu tentativa konsiliaun ba krime ofensa ba integridade física simples ne'ebé envolve arguidu João Pedro Caet hasoru lezadu Eusebio Cau, iha Suku Lifau Sub-distritu Pante-makassar, Distritu Oekusi.

Akuzasaun Prokuradór

Prokuradór akuza katak iha 10 Janeiro 2018, maisumenus iha tuku 17.20 lokraik, arguidu tuku dala ida iha lezadu nia hasan karuk, tebe dala ida iha lezadu nia kanotak no rezulta lezadu monu ba rai no sofre moras. Aktu ne'e akontese sein motivu ne'ebé klaru. Kazu ne'e anexa mós ho relatóriu médiku husi Ospital Referral Oekusi no fotografia husi Polisia-VPU.

Prokuradór akuza arguidu kontra artigu 145 Kódigu Penál kona-ba krime ofensa ba integridade física simples ho moldura penál too tinan 3 ka multa.

Produsaun ba prova sira

Bazeia ba artigu 262 KPP kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu no lezadu.

Iha prosesu konsiliaun ne'e, lezadu hakarak dame malu de'it no dada fali nia-keixa maibé ho kondisaun katak arguidu tenke fó indemnizasaun sivil ho montante osan US\$50.00 no tua botir ida ba lezadu. Arguidu konkorda no sei fó indemnizasaun sivil ba lezadu tuir pedidu lezadu nian. Arguidu mós deklarata katak arrepende ona nia hahalok no promete katak sei la repete tan hahalok hanesan iha futuru, nune'e lezadu husu ba tribunál atu deziste ninia-keixa hasoru arguidu.

Alegasaun final

Prokuradór no Defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi lezadu, tribunál konklui prosesu ne'e no omologa akordu dame entre parte sira no husu ba arguidu atu kumpri ninia devér hodi fó indemnizasaun sivil ba lezadu no tua botir ida iha 25 Agostu 2018.

14. Krime ofensa ba integridade física simples ho natureza violência doméstica

Nú. Prosesu	: 0010/18.OEPMK
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Pena prizaun tinan 1 no suspende ba tinan 1

Iha 17 Jullu 2018, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violência doméstica ne'ebé envolve arguidu FG hasoru nia oan fetu (tinan 10), iha Distritu Oekusi.

Akuzasaun Prokuradór

Prokuradór akuza katak iha 05 Feveireiru 2018, maisumenus iha tuku 14.30 meudia, arguidu lori ai-sar futun ida baku dala ida iha lezada nia liman kabun parte karuk, baku dala ida iha lezada nia ulun no baku dala ida iha lezada nia ain parte karuk no kauza lezada sofre moras.

Prokuradór akuza arguidu kontra artigu 145 Kódigu Penál kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamentu, arguidu konfesa faktus hotu iha akuzasaun, arguidu mós deklarata katak arrepende ona nia hahalok. Arguidu servisu hanesan to'os-na'in no laiha rendimentu fixu kada fulan, iha oan nain 6, no arguidu foin primeiravés mai hatan iha tribunál. Arguidu reforsa tan katak diak malu ona ho lezada.

Prokuradór husu ba tribunál atu prezinde lezada nia deklarasaun, tanba arguidu konfesa faktus hotu iha akuzasaun.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian no tuir loloos arguidu mak proteze lezada, maibé pela kontrariu arguidu mak komete fali krime hasoru lezada. Tanba ne'e husu ba tribunál atu kondena arguidu tuir artigu 145 Kódigu Penál.

Iha parte seluk, defeza husu ba tribunál atu aplika pena ne'ebé adekuadu ba arguidu ho konsiderasaun sira katak, arguidu konfesa, arrepende ona nia hahalok, iha oan nain 6, foin primeiravés mai hatan iha tribunál, diak malu ona ho lezada no hela hamutuk iha uma ida.

Desizaun

Depoide avalia faktu hotu, tribunál prova katak arguidu komete duni krime tuir faktu sira iha akuzasaun. Bazeia ba prova sira ne'e, tribunál kondena arguidu ho pena prizaun tinan 1 no suspende ba tinan 1.

15. Krime la halo-tuir obrigasaun alimentár

Nú. Prosesu : 0005/17.PDOEC
Kompozisaun Tribunál : Singulár
Juis : Dr. João Ribeiro
Prokuradór : Dr. Mateus Nesi
Defeza : Dr. Marcelino Marques Coro
Tipu pena : Omologa pedidu dezisténsia keixa

Iha 17 Jullu 2018, Tribunál Distritál Oekusi prezide julgamentu tentativa konsiliaun ba krime la halotuir obrigasaun alimentár ne'ebé envolve arguidu Celestino Fernandes Ribeiro hasoru nia oan lezadu Celestino Colo Ribeiro, iha Suku Bobocase, Sub-distritu Pante-makassar, Distritu Oekusi.

Akuzasaun Prokuradór

Prokuradór akuza katak iha tinan 2017, arguidu husik tiha nia feen ho nia oan mane no la halotuir obrigasaun alimentar ate agora. Arguidu nia hahalok ne'e kauza lezada ho sira nia oan mane sofre no moris iha susar nia laran.

Prokuradór akuza arguidu kontra artigu 225 Kódigu Penál kona-ba krime la halotuir obrigasaun alimentár ho moldura penál to'o tinan 3 ka multa.

Produsaun ba prova sira

Bazeia ba artigu 262 KPP kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu no lezada.

Iha prosesu konsiliaun ne'e, lezadu ne'ebé reprezenta husi nia inan hakarak dame malu de'it no dada fali nia-keixa maibé arguidu tenke fó alimentasaun ba lezada ho osan US\$50.00 kada fulan atu nune'e sira bele sustenta sira nia moris lor-loron nian. Iha parte seluk arguidu konkorda no deklara katak prontu atu transfer osan US\$50.00 kada fulan ba lezada nia nú rekening atu bele sustenta sira nia oan nia moris.

Alegasaun finál

Prokuradór no Defeza apresia akordu dame ne'ebé parte rua decide ona no husu ba Tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi lezada, Tribunál konklui prosesu ne'e no omologa akordu dame entre parte sira no tribunál kondena arguidu atu fó alimentasaun ba lezada ho osan US\$50.00 kada fulan liuhosi transferensia nú rekening lezada nian.

16. Krime danu simples

Nú. Prosesu : 0005/18.OEPMK
Kompozisaun Tribunál : Singulár
Juis : Dr. João Ribeiro
Prokuradór : Dr. Mateus Nesi
Defeza : Dr. Marcelino Marques Coro
Tipu pena : Pena admoestasaun

Iha 17 Jullu 2018, Tribunál Distritál Oekusi prezide julgamentu leitura sentensa ba krime danu simples ne'ebé envolve arguidu Ercolando Casenube hasoru lezada Inez da Costa (Membro Unidade Polísia Fronteira), iha Suku Lalisuc, Sub-distritu Pante-makassar Distritu Oekusi.

Akuzasaun Prokuradór

Prokuradór akuza katak iha 17 Janeiru 2018, maisumenus iha tuku 11.00 dader, arguidu dada estraga *baja ringan* ne'ebé lezada monta iha haris fatin kotuk besik arguidu nia uma. Aktu ne'e rezulta lezada nia haris fatin kotuk hetan estragus no besi *baja ringan* tolu mak aat hodi halo be'e haris fatin (*pembuangan* halai arbiru).

Prokuradór akuza arguidu kontra artigu 258 Kódigu Penál kona-ba danu simples ho moldura penál to'o tinan 3 ka multa.

Produsaun ba prova sira

Iha julgamentu, arguidu konfesa parsialmente ba faktus iha akuzasaun no deklarata katak arguidu laiha intensaun atu dada estraga, maibé arguidu dada mak la haree hodi kauza *pembuangan* liuhosi *baja ringan* ne'e tohar ka aat, maibé arguidu pronto atu hadia fali kuandu iha buat ruma aat. Arguidu haktuir tan katak be'e foer ne'e agora halai diak ona tanba lezada ke'e kuak iha nia rai no be'e foer halai tama iha kuak refere. Arguidu arrepente ona nia hahalok no laiha rendimentu fixu kada fulan. Arguidu ho lezada sei iha relasaun familia no foin primeiravés mai hatan iha tribunál. Iha parte seluk lezada konfirma faktus hotu iha akuzasaun.

Alegasaun finál

Prokuradór konsidera arguidu provadu komete krime danu simples hasoru lezada no arguidu lori problema antigu nian hodi halo provokasaun ba lezada. Tanba ne'e husu ba Tribunál atu kondena arguidu tuir pena ne'ebé hakerek ona iha artigu 258 KP.

Enkuantu Defeza haktuir katak arguidu deklara deit faktus ne'ebé nia komete, arrepende ona nia hahalok no foin primeiravés mai hatan iha tribunál. Tanba ne'e husu ba tribunál atu aplika pena admoestasaun ba arguidu maibé karik tribunál iha hanoin seluk, parte defeza husu justisa.

Desizaun

Depoide avalia faktu sira hotu, tribunál konklui prosesu ne'e no kondena arguidu ho pena admoestasaun.

17. Krime ofensa ba integridade fízika simples ho natureza violénsia doméstika

Nú. Prosesu	: 0031/18.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Pena multa

Iha 18 Jullu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu FXMS hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 24 Fevereiru 2018, maisumenus iha tuku 14.30 lokraik, arguidu lori balde kiik baku dala ida iha lezada nia kanotak parte karuk no kontinua lori kadeira baku dala ida iha lezada nia kabaas parte karuk. Aktu ne'e rezulta lezada sofre moras iha kanotak no kabaas. Kazu ne'e anexa mós ho relatóriu médiku husi Ospital Referral Oekusi no fotografia husi Polísia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamentu, arguidu konfesa integralmente ba faktus iha akuzasaun, arrepende ona nia hahalok. Arguidu servisu hanesan negosiante ki'ik laiha rendimentu fixu kada fulan no iha oan nain 2. Arguidu reforsa tan katak dame malu ona ho lezada no moris hamutuk fali ona hanesan feen-laen, arguidu foin primeiravés mai hatan iha tribunál.

Prokuradór husu ba tribunál atu prezinde lezada nia deklarasaun, tanba arguidu konfesa faktus hotu iha akuzasaun.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian. Tanba ne'e husu ba tribunál atu kondena arguidu tuir artigu 145 Kódigu Penál.

Enkuantu defeza husu ba Tribunál atu kondena arguidu ho pena ne'ebé adekuadu, tanba arguidu konfesa, arrepende ona nia hahalok, iha oan nain 2 no diak malu ona ho lezada, kolabora diak ho tribunál no foin primeiravés mai hatan iha tribunál.

Desizaun

Depoide avalia faktu sira hotu, tribunál prova katak arguidu komete duni krime tuir faktu sira iha akuzasaun prokuradór nian. Bazeia ba prova sira ne'e, tribunál kondena arguidu ho pena multa US\$120.00 ne'ebé sei selu US\$1.00 kada lora durante lora 120 no selu kustu judisiál US\$10.00 Tribunál mós fixa pena alternativa durante lora 80 prizaun, wainhira arguidu la kumpri pena multa refere.

18. Krime ofensa ba integridade fízika simples

Nú. Prosesu : 0024/18.OESIC
Kompozisaun Tribunál : Singulár
Juis : Dr. João Ribeiro
Prokuradór : Dr. Mateus Nesi
Defeza : Dr. Marcelino Marques Coro
Tipu pena : Omologa pedidu dezisténsia keixa

Iha 18 Jullu 2018, Tribunál Distritál Oekusi prezide julgamentu tentativa konsiliaun ba krime ofensa ba integridade fízika simples ne'ebé envolve arguidu Arnol Teme hasoru lezadu Deonizio Oqui (tinan 10), iha Suku Costa Sub-distritu Pante-makassar, Distritu Oekusi.

Akuzasaun Prokuradór

Prokuradór akuza katak iha 14 Feveireiru 2018, maisumenus iha tuku 10:30 dader, arguidu basa 1 dala 3 iha lezadu nia kanuruk no rezulta lezadu desmaia no sofre moras iha kanuruk. Kazu ne'e akontese tanba lezadu tuda arguidu nia oan Adolfo Teme no kona iha ain kabun. Kazu ne'e anexa mós ho relatóriu médiku husi Ospital Referral Oekusi no fotografia husi Polisia-VPU.

Prokuradór akuza arguidu kontra artigu 145 Kódigu Penál kona-ba krime ofensa ba integridade fízika simples ho moldura penál too tinan 3 ka multa.

Produsaun ba prova sira

Bazeia ba artigu 262 KPP kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu no lezadu.

Iha prosesu konsiliaun ne'e, lezadu ne'ebé representa husi nia inan Imelda Colo hakarak dame malu de'it no dada fali nia-keixa sein kondisaun. Iha parte seluk arguidu konkorda no deklarata katak arrepende ona nia hahalok no promete katak sei la repete tan hahalok hanesan iha futuru.

Alegasaun finál

Prokuradór no defeza apresia akordu dame ne'ebé parte rua decide ona no husu ba Tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi lezadu ne'ebé representa husi lezadu nia inan, tribunál konklui prosesu ne'e no omologa akordu dame entre parte sira.

19. Krime ofensa ba integridade fízika simples

Nú. Prosesu Sumariu : 0002/18.PDOEC
Kompozisaun Tribunál : Singulár
Juis : Dr. João Ribeiro
Prokuradór : Dr. Mateus Nesi
Defeza : Dr. Marcelino Marques Coro
Tipu pena : Omologa pedidu dezisténsia keixa

Iha 18 Jullu 2018, Tribunál Distritál Oekusi prezide julgamentu tentativa konsiliaun ba krime ofensa ba integridade fízika simples ne'ebé envolve arguidu Joanico Soares, Damião da Conceção Quenat, Natalino Francisco Fernandes (arguidu sira nu'udar membru PNTL) hasoru lezadu Abilio Rogerio Fernandes Dos Santos Neno, iha Suku Costa Sub-distritu Pante-makassar, Distritu Oekusi.

Akuzasaun Prokuradór

Prokuradór akuza katak iha 13 Fevereiru 2018, maisumenus iha tuku 17:00 lokraik, arguidu sira tebe lisuk lezadu dala 3 iha kanotak karuk, tebe dala 6 iha kelen no tuku dala 2 iha ulun parte loos. Kazu ne'e akontese wainhira lezadu baku malu ho Francisco Tout.

Prokuradór akuza arguidu sira kontra artigu 145 Kódigu Penál kona-ba krime ofensa ba integridade fízika simples ho moldura penál too tinan 3 ka multa.

Produsaun ba prova sira

Bazeia ba artigu 262 KPP kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu sira no lezadu.

Iha prosesu konsiliaun ne'e, lezadu hakarak dame malu de'it ho arguidu sira no dada fali nia-keixa sein kondisaun. Iha parte seluk arguidu sira konkorda hakarak dame malu ho lezadu no arrepende ona sira nia hahalok.

Alegasaun finál

Prokuradór no Defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi lezadu, tribunál konklui prosesu ne'e no omologa akordu dame entre parte sira.

20. Krime ofensa ba integridade fízika simples ho natureza violénsia doméstika

Nú. Prosesu : 0001/18.OEOSL
Kompozisaun Tribunál : Singulár
Juis : Dr. João Ribeiro

Prokuradór : Dr. Mateus Nesi
Defeza : Dr. Calisto Tout
Tipu pena : Pena admoestasaun

Iha 19 Jullu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu LO hasoru nia feen, iha distritu Oekusi.

Akuzasaun Prokuradór

Prokuradór akuza katak iha 01 Feveireiru 2018, maisumenus iha tuku 17.00 lokraik, arguidu basa dala ida iha lezada nia kanuruk no rezulta lezada sofre moras iha kanuruk. Arguidu deskonfia lezada iha relasaun (amante) ho mane seluk. Kazu ne'e anexa mós ho relatóriu médiku husi Centru Saúde Oesilo no fotografia husi Polísia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamentu, arguidu konfesa integralmente ba faktus iha akuzasaun no arguidu mós arrepende ona nia hahalok. Arguidu servisu hanesan to'os-na'in laiha rendimentu fixu kada fulan no iha oan nain 2. Arguidu reforsa tan katak dame malu ona ho lezada no moris hamutuk fali ona hanesan feen-laen, arguidu foin primeiravés mai hatan iha tribunál.

Prokuradór husu ba Tribunál atu prezinde lezada nia deklarasaun, tanba arguidu konfesa faktus hotu iha akuzasaun.

Alegasaun final

Prokuradór konsidera arguidu provadu komete krime hasoru lezada bazeia ba konfisaun arguidu nian. Tanba ne'e husu ba Tribunál atu kondena arguidu tuir artigu 145 Kódigu Penál.

Iha parte seluk defeza husu ba Tribunál atu kondena arguidu ho pena ne'ebé adekuadu, tanba arguidu konfesa, arrepende ona nia hahalok, iha oan nain 2 no diak malu ona ho lezada, foin primeiravés mai hatan iha tribunál.

Desizaun

Depoide avalia faktu sira hotu, tribunál konsidera katak arguidu provadu komete duni krime hasoru lezada tuir faktu sira iha akuzasaun. Bazeia ba faktus-provadu hirak ne'e, tribunál kondena arguidu ho pena admoestasaun.

21. Krime ofensa korporál resíproka

Nú. Prosesu : 0027/17.OEPSB
Kompozisaun Tribunál : Singulár
Juis : Dr. João Ribeiro
Prokuradór : Dr. Mateus Nesi

Defeza : Dr. Calisto Tout
Tipu pena : Omologa pedidu dezisténsia keixa

Iha 19 Jullu 2018, Tribunál Distritál Oekusi prezide julgamentu tentativa konsiliaun ba krime ofensa korporál resíproka ne'ebé envolve arguidu Melquiano Antonio Bubun hasoru nia feen Maria de Fatima Ili, iha Suku Abani Sub-distritu Pasabe, Distritu Oekusi.

Akuzasaun Prokuradór

Prokuradór akuza katak iha 10 Juñu 2017, maisumenus iha tuku 08.30 dader, arguidu tuku dala ida iha lezada hasan karuk, nune'e tanba lezada sente moras lezada dudu arguidu hodi foti ai-sanak baku dala ida iha arguidu nia kotuk laran. Kazu ne'e akontese sein motivu klaru husi arguidu no lezada.

Prokuradór akuza arguidu kontra artigu 151 Kódigu Penál kona-ba krime ofensa korporál resíproka ho moldura penál too tinan 2 ka multa.

Produsaun ba prova sira

Tanba kazu ne'e nu'udar krime semi-públiku, nune'e bazeia ba artigu 262 (KPP) kona-ba tentativa ba konsiliaun, antes tama ba julgamentu produsaun ba prova, juis husu atu halo tentativa konsiliaun ba arguidu no lezada.

Iha prosesu konsiliaun ne'e, lezada ho arguidu hakarak dame malu de'it sein kondisaun no dada fali sira nia-keixa. Iha parte seluk arguidu deklarata katak arrepende ona nia hahalok no promete katak sei la repete tan hahalok hanesan iha futuru.

Alegasaun finál

Prokuradór no Defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi parte rua, tribunál konklui prosesu ne'e no omologa akordu dame entre parte sira.

22. Krime la halotuir obrigasaun alimentár

Nú. Prosesu : 0023/17.PDOEC
Kompozisaun Tribunál : Singulár
Juis : Dr. João Ribeiro
Prokuradór : Dr. Mateus Nesi
Defeza : Dr. Marcelino Marques Coro
Tipu pena : Omologa pedidu dezisténsia keixa

Iha 24 Jullu 2018, Tribunál Distritál Oekusi prezide julgamentu tentativa konsiliaun ba krime la halotuir obrigasaun alimentár ne'ebé envolve arguidu Januario Cab Ole hasoru nia oan Rozalia Esmeralda Dos Remedios Ole, iha Suku Costa, Sub-distritu Pante-makassar, Distritu Oekusi.

Akuzasaun Prokuradór

Prokuradór akuza katak iha 05 Janeiru 2017, arguidu sai husi uma no husik tiha nia feen ho nia oan feto no la halotuir obrigasaun alimentár ate agora. Arguidu nia hahalok ne'e kauza nia oan feto sofre no moris iha susar nia laran.

Prokuradór akuza arguidu kontra artigu 225 Kódigu Penál kona-ba krime la halo tuir obrigasaun alimentár ho moldura penál to'o tinan 3 ka multa.

Produsaun ba prova sira

Bazeia ba artigu 262 KPP kona-ba tentativa ba konsiliausaun, nune'e antes tama ba julgamentu produsaun ba prova, juis husu atu halo tentativa konsiliausaun ba arguidu no lezada.

Iha prosesu konsiliausaun ne'e, lezada hakarak dame malu de'it no dada fali nia-keixa maibé arguidu tenke fó alimentasaun ba lezada ho osan US\$20.00 kada fulan atu nune'e sira bele sustenta sira nia moris lor-loron nian. Iha parte seluk arguidu konkorda no deklara katak prontu atu transfer osan US\$20.00 kada fulan ba nia oan feto nia número bankaria atu bele sustenta sira nia oan nia moris lor-loron nian.

Alegasaun final

Prokuradór no defeza apresia akordu dame ne'ebé parte rua decide ona no husu ba tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi lezada, tribunál konklui prosesu ne'e no omologa akordu dame entre parte sira no kondena arguidu fó alimentasaun ba lezada ho osan US\$20.00 kada fulan liuhosi número bankária lezada nian.

23. Krime ofensa ba integridade física simples ho natureza violência doméstica

Nú. Prosesu	: 0040/18.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout : Dr. Inasio Quebo ho Dr. Filipe Landos
Tipu pena	: Pena prizaun tinan 1 no suspende ba tinan 1 fulan 6.

Iha 26 Jullu 2018, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violência doméstica ne'ebé envolve arguidu JAMP hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 13 Marsu 2018, maisumenus iha tuku 01.00 madrugada, arguidu basa dala ida iha lezada nia hasan loos, basa dala ida iha lezada nia hasan karuk no tuku dala ida iha lezada nia hasan loos. Arguidu kontinua tebe dala ida iha lezada nia kelen parte karuk no

rezulta lezada sofre moras. Kazu ne'e anexa mós ho relatório médiku husi PRADET no fotografia husi Polisia-VPU.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 LKVD.

Produsaun ba prova sira

Iha julgamentu arguidu konfesa faktus hotu iha akuzasaun no deklara katak arrepende ona nia hahalok. Arguidu hatene baku ema ladiak no kontra lei Timor no arguidu foin primeiravés mai hatan iha tribunál. Arguidu deklara mós katak servisu hanesan emprezariu lokál maibé ho rendimentu ne'ebé la-fixu kada fulan. Depoisde akontese sira dame malu kedas no ate agora moris hamutuk hanesan feen ho laen. Arguidu iha oan nain 3 no promete sei la repete tan hahalok hanesan iha futuru.

Prokuradór husu ba tribunál atu prezinde lezada nia deklarasaun, tanba arguidu konfesa faktus hotu iha akuzasaun.

Alegasaun final

Prokuradór konsidera arguidu provadu komete krime hasoru nia feen bazeia ba konfisaun arguidu nian. Tanba ne'e husu ba Tribunál atu kondena arguidu tuir pena ne'ebé hakerek ona iha artigu 145 KP.

Enkuantu defeza husu ba tribunál atu kondena arguidu ho pena ne'ebé adekuaudu bazeia ba sirkunstánsia atenuantes sira hanesan, arguidu konfesa, arrepende ona nia hahalok, foin primeiravés mai hatan iha tribunál no promete sei la komete tan krime hanesan iha fururu.

Desizaun

Depoisde avalia faktu sira hotu, tribunál prova katak arguidu komete duni krime tuir faktu sira iha akuzasaun prokuradór nian. Tribunál mós konsidera sirkunstánsia hotu-hotu hosi kazu ne'e, no kondena arguidu ho pena prizaun tinan 1 no suspende ba tinan 1 fulan 6 no selu kustu judisiál US\$30.00.

24. Krime ofensa ba integridade fízika simples ho natureza violénsia doméstika

Nú. Prosesu	: 0032/18.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro : Dr. Inasio Quebo ho Dr. Filipe Landos
Tipu pena	: Pena prizaun tinan 2 no suspende ba tinan 2

Iha 26 Jullu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu MdR hasoru nia inan, iha Distritu Oekusi.

Akuzasaun Prokuradór

Prokuradór akuza katak iha 27 Feveireiru 2018, maisumenus iha tuku 17.00 lokraik, arguidu tuku dala ida iha lezada nia reen-toos, buti dala 1 iha lezada nia kakorok no kontinua dudu lezada to'o monu ba rai. Aktu ne'e rezulta lezada sofre moras iha reen-toos, bubu no kakorok mean. Kazu ne'e anexa mós ho relatóriu médiku husi PRADET no fotografia husi Polísia-VPU.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 LKVD.

Produsaun ba prova sira

Durante julgamentu, arguidu konfesa integralmente ba faktus sira iha akuzasaun no arrepende ona nia hahalok. Arguidu servisu hanesan emperezariu lokál ho rendimentu kada fulan US\$100.00 no iha oan nain 4. Arguidu promete ba katak sei la-halo tan krime hasoru nia inan ka ema seluk iha futuru no konsiente katak baku ema nia isin bele kauza moras. Arguidu deklarara katak depoisde akontese ne'e sira dame malu kedas no ate agora moris hamutuk iha uma 1 hanesan familia ida.

Prokuradór husu ba tribunál atu prezinde lezada nia deklarasaun, tanba arguidu konfesa faktus hotu iha akuzasaun.

Alegasaun final

Prokuradór haktuir katak arguidu provadu komete krime hasoru lezada ne'ebé nu'udar nia inan. Atu prevene krime hanesan akontese tan iha futuru, tanba ne'e husu ba tribunál atu aplika pena tuir artigu 145 KP.

Enkuantu defeza haktuir katak arguidu konfesa, arrepende ona nia hahalok no promete sei la komete tan krime hanesan hasoru lezada. Tanba ne'e husu ba Tribunál aplika pena ne'ebé kmaan ba arguidu.

Desizaun

Depoisde avalia faktu sira hotu, tribunál prova katak arguidu komete duni krime tuir faktu sira iha akuzasaun. Tribunál mós konsidera sirkunstánsia sira asosiadu hosi kazu ne'e, no kondena arguidu ho pena prizaun tinan 2 no suspende ba tinan 2 no selu kustu judisiál US\$50.00.

25. Krime ofensa ba integridade fízika simples

Nú. Prosesu	: 0021/18.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
	: Dr. Inasio Quebo ho Dr. Filipe Landos
Tipu pena	: Omologa pedidu dezisténsia keixa

Iha 26 Jullu 2018, Tribunál Distritál Oekusi prezide julgamentu tentativa konsiliaun ba krime ofensa ba integridade fízika simples ne'ebé envolve arguidu Abilio Rogerio Fernandes Dos Santos Neno hasoru lezadu Natalisio Amali Nheu Fernandes, iha Suku Costa Sub-distritu Pante-makassar, Distritu Oekusi.

Akuzasaun Prokuradór

Prokuradór akuza katak iha 13 Feveireiru 2018, maisumenus iha tuku 12.45 meudia, arguidu tebe dala 1 iha lezadu nia kotuk laran no rezulta lezadu monu ba rai no lezadu nia liman sikun karuk hetan kanek kiik. Kazu ne'e akontese sein motivu ne'ebé klaru. Kazu ne'e anexa mós ho relatóriu médiku husi Ospital Referral Oekusi no fotografia husi Polisia-VPU.

Prokuradór akuza arguidu kontra artigu 145 Kódigu Penál kona-ba krime ofensa ba integridade fízika simples ne'ebé ho moldura penál too tinan 3 ka multa.

Produsaun ba prova sira

Bazeia ba artigu 262 KPP kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu no lezadu.

Iha prosesu konsiliaun ne'e, lezadu hakarak dame malu de'it ho arguidu no dada fali nia-keixa sein kondisaun. Iha parte seluk arguidu konkorda hakarak dame malu ho lezadu no promete sei la komete tan krime hanesan iha futuro.

Alegasaun final

Prokuradór no Defeza apresia akordu dame ne'ebé parte rua decide ona no husu ba Tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi parte rua, tribunál konklui prosesu ne'e no omologa akordu dame entre parte sira.

26. Krime ofensa ba integridade fízika simples ho natureza violénsia doméstika

Nú. Prosesu	: 0004/18.OEBCN
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
	: Dr. Inasio Quebo ho Dr. Filipe Landos
Tipu pena	: Pena prizaun tinan 1 no suspende ba tinan 1

Iha 30 Jullu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu JdS hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 10 Feveireiru 2018, maisumenus iha tuku 20.00 kalan, arguidu lori kadeira masa baku iha lezada nia liman sikun parte karuk. Depois lezada konsege halai no arguidu kontinua lori fatuk ki'ik tuda lezada no kona iha lezada nia ain karuk no rezulta lezada sofre moras. Kazu ne'e anexa mós ho relatóriu médiku husi Centru Saude Baocnana no fotografia husi Polisia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Durante julgamentu, arguidu konfesa integralmente ba faktus sira iha akuzasaun no deklarasaun katak arrepende ona nia hahalok. Arguidu servisu hanesan to'os-na'in, laiha rendimentu fixu kada fulan no iha oan nain 5, no arguidu foin primeiravés mai hatan iha tribunál. Arguidu reforsa tan katak dame malu ona ho lezada no moris hamutuk fali ona iha uma ida hanesan feen-laen.

Prokuradór husu ba Tribunál atu prezinde lezada nia deklarasaun, tanba arguidu konfesa faktus hotu iha akuzasaun.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian. Atu prevene krime hanesan akontese tan iha futuru, husu ba tribunál atu kondena arguidu tuir artigu 145 Kódigu Penál.

Iha parte seluk defeza husu ba tribunál atu aplika pena ne'ebé adekua ba arguidu. Defeza argumenta katak arguidu konfesa faktus sira, arrepende ona nia hahalok, iha oan nain 5 no foin primeiravés mai hatan iha tribunál no diak malu ona ho lezada no hela hamutuk iha uma ida hanesan feen ho laen.

Desizaun

Depoizde avalia faktus sira hotu, tribunál konsidera katak arguidu provadu komete duni krime hasoru lezada tuir faktus sira iha akuzasaun. Bazeia ba faktus-provadu hirak ne'e, tribunál kondena arguidu ho pena prizaun tinan 1 no suspende ba tinan 1.

27. Krime ofensa ba integridade fízika simples ho natureza violénsia doméstika

Nú. Prosesu	: 0003/18.OEBCN
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
	: Dr. Inasio Quebo ho Dr. Filipe Landos
Tipu pena	: Pena admoestasaun

Iha 30 Jullu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu LdC hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 17 Janeiru 2018, maisumenus iha tuku 12.00 meudia, arguidu tuku dala ida iha lezada nia matan fukun parte karuk no rezulta lezada sofre moras iha matan fukun. Kazu ne'e anexa mós ho relatóriu médiku husi Ospital Referal Oekusi no fotografia husi Polisia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamentu, arguidu konfesa faktus hotu iha akuzasaun no deklarasaun katak arrepende ona nia hahalok. Arguidu servisu hanesan to'os-na'in no laiha rendimentu fixu kada fulan no iha oan nain 12. Arguidu foin primeiravés mai hatan iha tribunál. Arguidu reforsa tan katak dame malu ona ho lezada no moris hamutuk fali ona iha uma ida hanesan feen-laen.

Prokuradór husu ba tribunál atu prezinde lezada nia deklarasaun, tanba arguidu konfesa faktus hotu iha akuzasaun.

Alegasaun final

Prokuradór konsidera arguidu provadu komete krime hasoru lezada bazeia ba konfisaun arguidu nian. Prokuradór rejista katak kazu violénsia doméstika barak akontese iha Rejiaun Oekusi kompara ho distritu/munisípiu sira seluk. Tanba ne'e husu ba tribunál atu kondena arguidu tuir artigu 145 KP.

Enkuantu defeza husu ba tribunál atu kondena arguidu ho pena ne'ebé kmaan ho konsiderasaun sira katak arguidu konfesa, arrepende ona nia hahalok, primeiravés mai hatan iha tribunál no diak malu ona ho lezada no iha oan nain 12.

Desizaun

Depoisde avalia faktu sira hotu, tribunál konsidera katak arguidu provadu komete duni krime hasoru lezada tuir faktu sira iha akuzasaun. Bazeia ba faktus-provadu hirak ne'e, tribunál kondena arguidu ho pena admoestasaun.

28. Krime ofensa ba integridade fízika simples ho natureza violénsia doméstika

Nú. Prosesu	: 0001/18.OEBCN
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
	: Dr. Inasio Quebo ho Dr. Filipe Landos

Tipu pena

: Pena prizaun tinan 1 fulan 6 no suspende ba tinan 2

Iha 30 Jullu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguida LM hasoru nia oan mane, iha Distritu Oekusi.

Akuzasaun Prokuradór

Prokuradór akuza katak iha 06 Janeiru 2018, maisumenus iha tuku 20.30 kalan, arguida uza katana taa dala ida iha lezadu nia ulun no rezulta lezadu sofre kanek, ran no moras iha lezadu nia ulun no suku pontu 3. Kazu ne'e akontese bainhira arguida ko'alia ba lezadu no lezadu hatan hasoru arguida. Kazu ne'e anexa mós ho relatóriu médiku husi Centru Saúde Baocnana no fotografia husi Polisia-VPU.

Prokuradór akuza arguida kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova

Iha julgamentu, arguida konfesa faktus hotu iha akuzasaun, arguida deklara katak laiha intensaun atu ta'a lezadu, maibé tanba lezadu kolia hasoru arguida no arguida atu ta'a halimar hodi halo lezadu tauk, maibé kona fali duni iha lezadu nia ulun. Arguida mós deklara katak arrepende ona nia hahalok, servisu hanesan to'os-na'in. Arguida laiha rendimentu fixu no iha oan nain 4, no foin primeiravés mai hatan iha tribunál. Arguida reforsa tan katak dame malu ona ho lezadu no moris hamutuk fali ona iha uma ida hanesan familia ida.

Prokuradór husu ba tribunál atu prezinde lezadu nia deklarasaun, tanba arguida konfesa faktus hotu iha akuzasaun.

Alegasaun final

Prokuradór konsidera arguida provadu komete krime hasoru lezadu bazeia ba konfisaun arguida nian. Prokuradór reforsa tan katak arguida hanesan inan, tenke hatene diak oinsa atu rezolve problema iha uma laran no la'os uza violénsia hodi rezolve problema. Tanba ne'e husu ba tribunál atu kondena arguida tuir artigu 145 Kódigu Penál.

Iha parte seluk defeza husu ba tribunál atu aplika pena ne'ebé adekuaudu ba arguida, tanba arguida konfesa arrepende ona nia hahalok, kolabora diak ho tribunál, iha oan nain 4. Aleinde arguida foin primeiravés mai hatan iha tribunál, diak malu ona ho lezadu no hela hamutuk iha uma ida hanesan familia ida.

Desizaun

Depoide avalia faktu sira hotu, tribunál prova katak arguida komete duni krime tuir faktu sira iha akuzasaun prokuradór nian. Bazeia ba prova ne'e, tribunál kondena arguida ho pena prizaun tinan 1 fulan 6 no suspende ba tinan 2.

29. Krime ofensa ba integridade fízika simples ho natureza violénsia doméstika

Nú. Prosesu : 0162/17.OESIC
Kompozisaun Tribunál : Singulár
Juis : Dr. João Ribeiro
Prokuradór : Dr. Mateus Nesi
Defeza : Dr. Calisto Tout
 : Dr. Inasio Quebo ho Dr. Filipe Landos
Tipu pena : Pena prizaun tinan 1 no suspende ba tinan 1 fulan 6

Iha 31 Jullu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu LLOS hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 26 Agostu 2017, maisumenus iha tuku 02.00 madrugada, arguidu basa dala rua iha lezada nia hasan parte loos, basa dala ida iha lezada nia matan fukun parte karuk, tuku dala tolu iha lezada nia kanuruk no tuku dala ida iha lezada nia reen-toos. Agresaun hirak-ne'e kauza lezada sofre moras. Kazu ne'e anexa mós ho relatóriu médiku husi Ospital Referral Oekusi no fotografia husi Polisia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamentu, arguidu konfesa faktus hotu iha akuzasaun, arguidu mós deklara katak arrepende ona nia hahalok. Arguidu servisu hanesan to'os-na'in no laiha rendimentu fixu kada fulan. Arguidu iha oan nain 2, no foin primeiravés mai hatan iha tribunál. Arguidu reforsa tan katak dame malu ona ho lezada no moris hamutuk fali ona iha uma ida hanesan feen-laen.

Prokuradór husu ba Tribunál atu prezinde lezada nia deklarasaun, tanba arguidu konfesa faktus hotu iha akuzasaun.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian. Prokuradór reforsa tan katak atu rezolve problema la'os tenke lori violénsia no arguidu iha intensaun maka'as atu baku nia feen. Tanba ne'e husu ba Tribunál atu kondena arguidu tuir artigu 145 Kódigu Penál.

Iha parte seluk defeza husu ba Tribunál atu aplika pena ne'ebé adekua ba arguidu, tanba arguidu konfesa faktus hotu iha akuzasaun, arrepende ona nia hahalok, iha oan nain 2, foin primeiravés mai hatan iha tribunál no diak malu ona ho lezada no hela hamutuk iha uma ida hanesan feen ho laen.

Desizaun

Depoizde avalia faktu sira ne'ebé prodús durante julgamentu, tribunál konklui prosesu ne'e no kondena arguidu ho pena prizaun tinan 1 suspende ba tinan 1 fulan 6.

30. Krime ofensa ba integridade fízika simples ho natureza violénsia doméstika

Nú. Prosesu : 0043/18.OESIC
Kompozisaun Tribunál : Singulár
Juis : Dr. João Ribeiro
Prokuradór : Dr. Mateus Nesi
Defeza : Dr. Calisto Tout
 : Dr. Inasio Quebo ho Dr. Filipe Landos
Tipu pena : Pena prizaun tinan 1 no suspende ba tinan 1

Iha 31 Julu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu CM hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 24 Marsu 2018, maisumenus iha tuku 10.00 dader, arguidu tuku dala haat iha lezada niaibun, buti dala ida iha lezada nia kakorok no tuku dala tolu iha lezada nia kanuruk. Kazu ne'e akontese arguidu ho lezada diskute malu, arguidu entrega osan salariu ba lezada US\$80.00 deit no babain kada fulan lezada sempre simu arguidu nia salariu US\$115.00. Kazu ne'e anexa mós ho relatóriu médiku husi Ospital Referral Oekusi no fotografia husi Polisia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamentu, arguidu konfesa integralmente ba faktus sira iha akuzasaun no deklara katak arrende ona nia hahalok. Arguidu hanesan siguransa Guardamor ho rendimentu kada fulan US\$115.00, iha oan nain 2 no arguidu foin primeiravés mai hatan iha tribunál. Arguidu hatutan tan katak dame malu ona ho lezada no moris hamutuk fali ona iha uma ida hanesan feen-laen.

Prokuradór husu ba tribunál atu prezinde lezada nia deklarasaun, tanba arguidu konfesa faktus hotu iha akuzasaun.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian. Prokuradór rejista katak kazu violénsia doméstika barak akontese iha Rejiaun Oekusi kompara ho distritu/munisípiu sira seluk. Tanba ne'e husu ba tribunál atu kondena arguidu tuir artigu 145 KP.

Enkuantu defeza husu ba tribunál atu kondena arguidu ho pena ne'ebé adekuadu ho konsiderasaun sira katak arguidu konfesa, arrepende ona nia hahalok, primeiraveś mai hatan iha tribunál no diak malu ona ho lezada, foin primeiravés mai hatan iha tribunál no iha oan nain rua. Tanba ne'e husu ba tribunál atu kondena arguidu ho pena ne'ebé adekuadu.

Desizaun

Depoide avalia faktu sira hotu, tribunál konsidera katak arguidu provadu komete duni krime hasoru lezada tuir faktu sira iha akuzasaun. Bazeia ba faktus-provadu hirak ne'e, tribunál kondena arguidu ho pena prizaun tinan 1 no suspende ba tinan 1 no selu kustu judisiál US\$20.00.

31. Krime ofensa ba integridade fízika simples

Nú. Prosesu : 0013/18.OEPMK
Kompozisaun Tribunál : Singulár
Juis : Dr. João Ribeiro
Prokuradór : Dr. Mateus Nesi
Defeza : Dr. Marcelino Marques Coro
 : Dr. Inasio Quebo no Dr. Filipe Landos
Tipu pena : Omologa pedidu dezisténsia keixa

Iha 31 Julu 2018, Tribunál Distritál Oekusi prezide julgamentu tentativa konsiliaun ba krime ofensa ba integridade fízika simples ne'ebé envolve arguidu Alarico Tabin Falo, Joni da Costa, Adriano Taec no Jaime Cab hasoru sira nia primu lezadu Jose Suni Colo, iha Distritu Oekusi.

Akuzasaun Prokuradór

Prokuradór akuza katak iha 15 Marsu 2018, maisumenus iha tuku 19.00 kalan, arguidu sira tau hamutuk forsa dudu monu lezadu no tebe dala barak iha lezadu nia kotuk laran hodi kauza lezadu sofre moras. Aktu ne'e akontese kuandu arguidu sira haruka lezadu atu sulan nia fahi maibé lezadu rejeita no kolia bar-barak hasoru arguidu sira. Kazu ne'e anexa mós ho relatóriu médiku husi Ospital Referral Oekusi no fotografia husi Polisia-VPU.

Prokuradór akuza arguidu sira kontra artigu 145 Kódigu Penál kona-ba krime ofensa ba integridade fízika simples ho moldura penál too tinan 3 ka multa.

Produsaun ba prova sira

Bazeia ba artigu 262 KPP kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu sira no lezadu.

Iha prosesu konsiliaun ne'e, lezadu hakarak dame malu de'it no dada fali nia-keixa maibé ho kondisaun katak arguidu sira tenke fó indemnizasaun sivil hamutuk osan US\$100.00 ba lezadu. Iha parte seluk arguidu sira konkorda no sei fó indemnizasaun ba lezadu no deklarata katak arrepende ona ba sira nia hahalok no promete katak sei la repete tan hahalok hanesan iha futuru.

Alegasaun final

Prokuradór no defeza apresia akordu dame ne'ebé parte rua deside ona no husu ba Tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi lezadu, tribunál konklui prosesu ne'e no omologa akordu dame entre parte sira no tribunál kondena arguidu sira atu fó indemnizasaun sivil ho osan US\$100.00 ba lezadu.

32. Krime la halotuir obrigasaun alimentár

Nú. Prosesu : 0024/17.PDOEC
Kompozisaun Tribunál : Singulár
Juis : Dr. João Ribeiro
Prokuradór : Dr. Mateus Nesi
Defeza : Dr. Marcelino Marques Coro
: Dr. Inasio Quebo no Dr. Filipe Landos
Tipu pena : Omologa pedidu dezisténsia keixa

Iha 31 Jullu 2018, Tribunál Distritál Oekusi prezide julgamentu tentativa konsiliaun ba krime la halotuir obrigasaun alimentár ne'ebé envolve arguidu Marcos Siqui hasoru nia oan feto Noimea Lacera de Fatima Siqui, iha Suku Cunha, Sub-distritu Pante-makassar, Distritu Oekusi.

Akuzasaun Prokuradór

Prokuradór akuza katak iha data ne'ebé la apura maibé iha fulan Abril 2017, arguidu husik nia oan ho nia feen no haruka nia feen atu fila hamutuk fali ho nia inan-aman no la halotuir obrigasaun alimentar ate agora. Arguidu nia hahalok ne'e kauza nia oan feto sofre no moris iha susar nia laran.

Prokuradór akuza arguidu kontra artigu 225 Kódigu Penál kona-ba krime la halotuir obrigasaun alimentár ho moldura penál to'o tinan 3 ka multa.

Produsaun ba prova

Bazeia ba artigu 262 KPP kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu no lezada ne'ebé reprezenta husi nia inan rasik.

Iha prosesu konsiliaun ne'e, lezada hakarak dame malu de'it no dada fali nia-keixa maibé ho kondisaun katak arguidu tenke fó alimentasaun ho osan US\$10.00 no foos saku 1 kada fulan atu nune'e sira bele sustenta sira nia moris lor-loron nian. Iha parte seluk arguidu konkorda no deklara katak prontu atu transfer osan US\$10.00 kada fulan ba nia oan feto nia nú rekening no fós saku 1 atu bele sustenta sira nia oan nia moris lor-loron nian.

Alegasaun final

Prokuradór no defeza apresia akordu dame ne'ebé parte rua decide ona no husu ba Tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi lezada, tribunál konklui prosesu ne'e no omologa pedidu dezisténsia keixa ne'e entre parte sira no tribunál kondena arguidu atu fó

alimentasaun ho osan US\$10.00 kada fulan liuhosi nú rekening lezada nian no fós saku 1 entrega direita ba lezada.

Atu hetan informasaun kompleitu, favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.tl